

四庫全書

集部

欽定四庫全書

秋澗集卷十八

元 王惲 撰

七言律詩

哭節齋陳公五詩

時為浙東宣慰使按行屬邑  
回過新昌值羣盜被害年五

十有六至元丁丑

九月七日事也

夷門樽酒罄平生誰料終凶在此行  
顛髮有靈通帝夢越戈無識斷由纓  
救時譽在何多得憂道深思恥近名

南望兩行知已淚西風吹却又縱橫

笑談鞍馬最從容  
遠自南陽到洛中  
廷議有方先大節  
丹心無間總清忠  
餘人老去初何惜  
四海經綸共望公  
何日下車傾腹痛  
橋玄林墓哭秋風

德音宣暢介麟沾  
遠調曾辭瘴海炎  
寒谷變春方煦嫗  
含沙窺影已陰潛  
峰摧天柱山雖壞  
桂折秋風氣陡嚴

仲雪絳寃誰有疏  
吞聲空向九天瞻

煦嫗一作煥休煥  
威喻反休虛喻反

昭三年晏子曰民人痛疾而或煥休之煥休云痛而  
念之也若小兒痛父母以口就之曰煥休代其痛也

威氣橫空蓋代勲  
揮摩旌壘張吾軍  
乘時孰計利不利  
為善但憂聞未聞  
千里魂歸闕塞黑  
百年精在死生分  
臨風痛瀉長河淚  
洒斷江東日暮雲

惡棘梟鸞苦未分  
挺身東擬下鱷吞  
義醢不信雄貙慘  
死守庶全君父恩  
冤碧意凝東粵血  
大招空返北邙魂  
恢恢三木遺猶在  
儘是君侯未沒存

壽繼先侍御

併幪雲下鬱雄沉  
偃植圓杈力儘任  
持重要端風憲本

耐交尤見歲寒心望隆北海螭蟠譽思入南陔孝養吟  
漏泄光風來獻壽綵萱春滿北堂陰

送劉侍御分司上都兼呈中丞

何者功名是丈夫細思初不外民區油油雲葉從中合  
盼盼羣情待一蘇造命豈容論氣數當筵能盡是雄圖  
聖恩思治方宵旰幾問南熏解愠無

題鳳山逸叟王明甫八秩手卷

二子長桓字巨川為旭州尹次

名構字肯堂今為翰林應奉

一府名香二十年鳳山歸作地行仙由來和氣薰陶久  
不獨天彝稟受全扶健漢更鳩有杖伴吟清獻鶴隨肩  
更憐五馬鑿坡貴并領春風上壽筵

杜李明表兄史千載南還荆門索同賦為餞謹

詩三首以贈

杜時任中書省  
左右司郎中

秀並岷峨萬仞青憶初載酒子雲亭幾年江渚悲鴻雁  
一日沙隄咏鶴鷓共被載融荆樹樂還家不愧草堂靈  
中郎儘擅平津閣未分歸棹老客星

干戈漂泊中年後，邂逅相看抵萬金。風景儘收孤客淚，

山川何限故園心。

一作去國不知江客恨，名家猶是杜陵心。

眼中棣萼春仍

好，林下詩盟喜更尋。南去瘴江多少阻，平安休復到家

音

咏看錦水東遊日，望入停雲北上時。憶弟遠衝燕地雪，

聯芳未賦棣華詩。風塵拋入青萍劍，

一作情思琢出黃金壙

去路

留連白玉卮。歸到荆門霜尚晚，月明江樹影參差。

張提刑子敬挽章

至元十五年六月十五卒在河南時作塞上曲云對月笛

中起愴然傷我情  
秋風一萬里總向  
笛中生遙憐漢軍士  
掩淚下邊城

攬轡南來擬拜君  
逢人忍以訃音聞  
救焚有志遺深愛  
博物何心泥款文  
卿月儘輝丞相府  
史評當策竹書勲  
不須更聽西風笛  
愁滿西風日暮雲

深愛謂北京行省  
郎中時曾救援民

戶三百  
餘家

詩寄李明郎中

中書機務日紛紛  
海寓披圖萬國賓  
善斷獨高如晦策  
名家復見杜陵人  
遙憐綠水紅蓮地  
滿意清江玉壘春

正是救時心最切更須探本細經綸

暇日登飛仙休逸二臺

老圃臺荒草棘深魏公德業古猶今望隆異代瞻儀鳳  
錦爛輕裘憶昔吟隴陌按行餘利澤山川色總見雄襟  
羣鳥知愛如相語隔葉時聞送好音

詩寄劉清卿都事

朋簪纔盍脫荷囊蘭到升庭見獨芳毳幕夜書稱快夢  
冰壺孤抱映秋霜十年紫禁烟花近四海金華姓字香

南北相望固迢遞久要情在恐難忘

秋日蚤衙示同僚閣簽事子靖

憲府潭潭尺五天按臨八道儘繩愆乘時佐理疎明略  
攬轡澄清愧昔賢寬固可稱須有制事唯無詖乃能全  
所行果計無尸素放枕能安一夕眠

慶趙仲器母八秩

遐壽能康世所稀滿前蘭玉更熙熙氣充自得豐長稟  
德厚能高九十儀秋月簾籠來婺彩春風堂背看彤芝

燕城勝事今誰最聽取共高介社詩

柳實詩宣慰高飛卿開宴出示此菓邀諸君賦

詩西溪首唱僕乃賡焉

坡仙帖裏藹餘馨炎帝圖經見典刑  
辨削異樽陪北海暖包香霧自南溟  
摩挲朽腹疑藤癭雋永天漿勝楚萍  
吾子好奇時引飲沙頭閒却玉雙鉞

寄叅政相公

不覩清揚近一年依依情在鳳池邊  
碧雲思遠餘千里

紅藥堦升有二天兒輩初官儋好爵寵光沾喜動重泉  
白頭無計酬知己會有文章見簡編

和西溪韻送良弼提刑赴憲臺之召

拳拳幾御大賢車

謂張平章張左  
相姚雪齋也

氣量弘深見步趨望

重正煩天下計人和愛及屋頭烏百年笑我遽如許一  
日似君其可無雅俗自來推坐鎮簡花奚待筆端區

百城方聳使君車遽應旌輅內殿趨儀羽望清初振鷺  
柏臺陰肅已翔烏人材輩向中朝列天下看來一事無

數路清寧固佳政經綸何似被綿區

南來和氣擁輜車佩玉長裾利走趨阿閣再鳴瞻彩鳳  
月明三匝笑驚烏事機應運深還淺才氣多君有若無  
與論功名果何在此心初不外民區

送李觀還壽春幕府

并序

士觀友愛來辭促膝道舊眷眷有不能別者仍以親  
老別遠佳眠食是祝士觀請即此為贈因率爾賦焉  
見合肥王尹立夫為寄聲兼達茲懇云至元己卯重

午前三日也

去年首夏別燕城今歲晴和會汴京相顧鬢顏成老醜  
不緣貧富異交情春蘭句好香生席歸路舟輕月滿旌  
地接兩淮終瘴溼身安之外總虛名

挽禮部郎中丁公

荀班出佩紫荷囊漢署當年別雁行學古不回平日守  
德方誰似老來剛眼中耆舊雲烟盡身後詩書坎掩香  
臺閣清風有餘凜一丘埋恨吹臺旁

相下送舍弟官至鄧鄙

時為竹  
監使

十五年中三聚首一千里外兩相望  
春風邳北重分袂  
喜雨漳南夜對牀  
雲路暫淹騏驥足  
江沙晴護鷓鴣霜  
公餘正要加餐飯  
陽武同宗只二房

舍弟仲略生朝

十六歲己卯五月廿  
一日時寓史開府宅

江漢堂深畫錦妍  
亭亭花影舞胎仙  
一樽此夕歌鴻雁  
滿意春風醉管絃  
遺業繼承心共切  
此身加健壽為先  
飄零南北初無定  
正要相看棣萼偏

送千秋都司任密州諸城令

竊效贈言  
代抒衷素

梁苑相逢傾蓋初，照人秋水出芙蕖。  
應憐世事方多故，却恐微官似美除。  
處已道方何喜，愠濟時舌在儘紆徐。  
下車莫後神明政，楚幕瞻烏待報書。

至元十六年歲在己卯四月十一日偕大同郭  
天錫佑之、大梁劉衝漢、卿天党、李昌齡、千秋遊  
內梁門西大佛寺，寺即審實相院也。主僧郭里  
人臘七十餘，相與會堂東文室坐話閒文字及

壬辰歲京城警嚴令人慨嘆久之佑之為放生  
長歌劉起浮大白者數行懷仰之思渙焉冰釋  
然後知盛衰之不恒哀樂之無端也開口而笑  
頻何厭焉遂留題而去侍行者安陽楊躉義甫  
帝城何處散春棕花木禪房一選通共訝殘僧談世故  
却憐閒燕得諸公風雲心事誰能了歡樂朋從豈易逢  
聽徹清吟歸路晚金明池沼夕陽紅

山陽偶與大繼長相遇自辛亥年相別至今廿

八年矣追念疇昔作詩為贈

解鞍林下振清埃懷抱樽前得好開白髮滿頭心事在

青山當眼故人來風流自有高賢識感慨還深漂母哀

讀盡深香轉蕭爽清吟不到伯倫臺

深香係繼長父宜  
之文集號曰深香

閒適予此行本擬  
游百廡不果故云

漢東陽武太守臧公廟

袞曹形勢兩鳴臬趨向終非翊獻朝歃血正圖扶漢鼎  
殺身何獨為張超荒城草閣遺壇在喬木風高烈氣飄

琳也為思名節正有書明正苦相招

太守劉景融之任滑臺索書謹此為贈

十年錦帶佩吳鉤曾翼龍驤控上游平日諸君稱雅厚  
老來五馬更風流宦遊喜在西溪部閒讌欣同畫舫秋  
歸雁亭前問遺俗遲回初不為詩留

信察判士達來辭以贈言為榮因此書以送且  
見余之素行云

常憶終軍英妙年此時頭角見巉然百城望重非輕責

六品除新實美遷姦弊得情矜勿喜事機到手簡為先  
河東說是懷恩地未礙蘇章有二天

賦湖石得於汴梁

華陽萬石說卿雲族聚支分此遠孫疊嶂秀來雖掩靄  
孤峰崛起更雄尊轉翻蒼背鱗猶動侍近紅雲色尚溫  
覺我露臺光景麗洞庭秋氣鬱吟樽

和士觀見贈詩韻

鴻飛鷺散聚無時偶喜歸來共一池世路何心論薄宦

燈窓同業憶深資但教白壁無微玷問甚青雲有素期  
却恐桐淮淮上月清光長使照睽離

春露堂三首

今年卜築露堂春頗覺吾廬發興新書帙盛陳欣有託  
燕巢不定似嫌貧花枝照眼開還好竹樹當軒植漸勻  
朝日兩竿濃睡覺不妨門外即囂塵

詩書真樂得新文不羨軒車日過門薄宦到頭終外物  
一間入手是寬恩東山不厭蒼生望北海羞霑綠蟻樽

花草滿庭從爛漫最憐當路種蘭蓀

貧家營構不容常五十年來自此堂春露榜題應有在  
慈親孺慕詎能忘華滋濡溼趨庭處風采依稀隨日旁  
我老自強觀志行泣然流淚撫青箱

送何叅政北上

世事雲翻不易裁君侯真是濟時才若論經制明公道  
儘足扶持重憲臺霖雨終期賢相在秋風聊應鶴書來  
草茅亦有雲霄望執法清光接上台

幹臣周君邂逅淇上作

燈燼紅垂綴玉蟲  
鵲聲傳喜下霜空  
故人遠自京圻至  
青眼依然白髮同  
道在固常忘勢重  
官清還復坐詩窮  
章章久說襄城政  
早晚褒書示至公

鄉人魏先生家藏樂天神一軸作二像對立一  
則五十時容一則六旬後真也上有樂天自贊  
別稱為蓬婆仙云三十年前屢獲瞻拜近讀公  
長慶集偶記此畫為訪問云已磨滅久矣遂詩

以弔蓬婆洛陽地名

魏家一軸樂天神三十年前繪色新  
欲就醉吟師格律  
試尋縑素墮埃塵空留池上山中咏  
謾應花前月下身  
官品文章吾敢覬似公真樂老能親

嘉禾篇

并序

乙酉歲九月衛之南郊獲稼得嘉禾一莖九穗和之  
至也田主李縣丞持以示余纍纍秀結大小連比誠  
可異也人用餘咏忻怵曷已作嘉禾篇重陽後二日

序

天地深恩雨露零嘉禾選自氣和生九秋顥爽團孤秀  
一穗功夫到九成太史書年同合穎漢廷稱瑞比連莖  
表章莫後丹青賀人道豐穰是太平

種玉亭

徐子方宣慰有  
詩因擬作三首

昆明雲錦壓凡才玉井移根手自栽不著詩仙分寶供  
誰攜仙子下瑤臺留連夜月娟娟靜披拂清風細細開  
不用葉浮滄海去芙蓉城闕有蓬萊

靈沼雲深寶氣存素華一夕發芳根烟中彷彿溪娘語  
波面輕盈越女魂江月借妝增皓彩露華和屑貯芳溫  
夜深更待瑤環供細挹秋香共一樽

休誇幻術有仙翁人定端能勝化工淑女固應歌窈窕  
芳根原自雪玲瓏秋香入戶搖江羽羅襪凌波遶漢宮  
莫向西風吹易散世間聲色本來空

西村二首

兩月秋霖不出門今朝騎馬到西村高穹氣肅雲歸壑

金匱石經  
卷十八  
老樹風多葉擁根  
謾說田園宜野隱  
爭趨朝市羨時奔  
古人大抵崇高節  
飢凍當時所不論

秋風泥潦擁柴門  
兩月幽棲不到邨  
野鳥伴耕翔水滴  
寒蟲催織遶籬根  
半生未免有飢凍  
舉世其能息競奔  
仕不力任閒不走  
一生心苦欲誰論

桃花菊四首

一名胭  
脂紅

淚洒明妃寄露葩  
換根非為貯丹砂  
黃輕白碎空多種  
碧爛紅鮮自一家  
騷客賦詩憐晚節  
野人修譜是頭花

九秋霜露無情甚時約行雲護彩霞

為厭秋容慘淡天故將濃艷發清妍烟霜輕拂吳姬面  
丹臉能回白帝權寄傲儘凌青女肅開粧宜刺繡衣鮮  
留連最是東籬蝶細繞芳叢兩翅翩

容色風流操潔躡一枝紅雪秀霜天氣凌金井欄杆曲  
香在紅鸞扇影邊塞上闕氏凝夜紫月中仙子怨秋偏  
少陵若遇情增重肯數重崑細藥團

葉細枝柔巧翦裁丹砂濃抹入纖荑朱顏肯教劉郎老

紅影情圍葛井開  
惓淡秋容空野圃  
飄瀟風露際天台  
晚涼更覺清香異  
不厭芳叢百匝來

苦雨

乙酉歲入秋以來  
晴明止二日輒  
雨已三月矣九月十六日作此

雲陰交會日長昏  
老雨瀟瀟畫掩門  
秋氣儘悲騷客志  
草堂空有少陵樽  
寵光蘚蔓滋多碧  
燕沒蘭蓀似少恩  
坐聽寒聲萬家裏  
幾多繒纒有冬溫

清明無幾日朝隰雲  
不容同霧雨淒便著  
長風開白日  
已令后土污黃泥  
冷翻幽壑潛蛟舞  
溫鎖喬林健鶻棲

萬象沉沉水光底幾時高樹看晴霓

火鳥翅溼日脚昏雨中跳蛙亂登門少陵悲禾嘆黑穗  
元亮愛酌愁空樽氣惟協中乃成歲事至靈溢將傷恩  
詩人吟咏何所補笑熱爐火回春溫

鴛鴦從來策不前畏途有戒莫爭先但隨白傅看花約  
宜信淵明止酒篇人笑苦吟踈巧宦天教多病護殘年

老夫歲暮歡雖鮮每對諸君一粲然

與諸君飲  
會中作

赴趙子儀飲會

忠烈祠前是舊門一樽重約就門傾但成把臂論文飲  
也勝拖泥帶水行樂事不須應節叙賞心最愜是閒情  
一秋零雨朝來霽此會當題作喜晴

秋懷

醉頭扶起日三竿掃罷幽軒到藥欄傍架整齊書集亂  
繞籬料理菊枝殘日融虛閣留餘暖雨積高空促蚤寒  
處置身心閒裏過不將勲業鏡中看

老去逢秋強作懷莫教閒惱上心來人情寡味隨年薄

世事無端觸境開  
東閣漫傳梅信好  
西風時送雁聲哀  
客來茶罷無多話  
共趁秋陽曝背鮐

弔王提舉柔克

乙酉九月四日  
自經于闕王廟

驚看神色自今秋  
奄奄殘魂到鬼幽  
叢薄未霜猶足蔽  
事機已露欲誰尤  
百方作計難為地  
一意長歸是徹頭  
昨日寢門臨弔處  
兩行哀淚不容流

前年除日儘多門  
獨喜南來弄竹孫  
入手固知餘利孔  
刺頭何苦入膠盆  
海鷗枉訝多機客  
楚些難招不弔魂

漢壽祠前重回首短筇猶恐立黃昏

悠悠末路謀生苦穰穰羣奔為利來薄宦得勝閒裏過  
畏塗合嚮冗時回誰知竹實療飢鳳却變錢神作禍胎  
我老不堪多感愴一污還為素絲哀

憶初同舍在共城短小於中最幹精取舍近看臨老節  
鋪謀全異早年情舌端雄辨堪排難霜後寒蟬了不鳴  
重念人生生可貴世間萬事一毫輕

南來作監無多事舉手差池便兩分細論是非俱有說

大綱向背不同羣以身死事從來有為貨輕生古罕聞  
不獨衆傷非正命秋空低處有愁雲

謝道人惠竹

春露堂成戶牖空閑藏無物禦深冬長梢來覓筠溪種  
祥祉思憑道蔭功清泛細香添瓦鼎靜連秋月想烟叢  
夜來紙帳梅花夢已在融融和氣中

筠溪軒詩卷補亡

筠溪舊有亭雅甚往年為秋潦所圯亭與詩卷俱波

蕩不存今歲冬來游紫微道者丐余詩欲將補亡且  
致重構之意仍為賦此中間飲客蓋廿八年前同游  
者侍臣陳季淵奉使覃溪煥然平河牧今右丞史晉  
臣禮部尚書王子勉侍御史雷彥正與不肖紫微道  
者威儀杜大用也時乙酉十月廿一日

重到筠溪二十年眼中風物頗蕭然雙旌尚憶經行處  
八客同來作飲仙露溼雲梢回曉翠月明瑤圃淡秋烟  
道人說是潛珍客更看飛檐挿碧淵

慶雲鸚鵡杯

桂魄淪精貯海波神光分秀入紅螺  
卿霏護暖圍蒼腹  
丹喙嫌寒縮翠窠縱飲雅當豪客意  
垂雲無復綠衣歌  
一樽細浥江山筆夢到芳洲碧草多

鸚鵡螺

翠衿紅脣漫多知不覺流形入化機  
淒斷隴雲迷舊宿  
潤涵炎海有餘輝酒波碧飲珠還浦  
螺女棲深玉作圍  
昨日玳筵揮飲處故令歌緩恐驚飛

自嘆明言出更難奮形飛入巨螺間中空蜃吐潛珍羽  
外示文明變炳斑春釀儘供身後樂彫籠全勝向來閒  
深藏且莫輕為用合浦珠神有往還

何來犀火採螺江一竅重開混沌蒼解語已迷青鳥使  
幽居渾是雪衣娘海苔暈碧猶霑溼慧舌能嬌自閉藏  
莫遣繡簾明月入湘妃窺伺恐攜將

隴鳥何年別故山珠房深鎖雪衣閒調音厭落佳人後  
勸飲來陪狎客間山鬼吹燈驚怪供春風浮酒憶蒼灣

興來一吸三江盡醉入無何肯易還

醉一作運肯  
易一作不要

飛潛相化理堪驚老蚌還成隴鳥形鱷汲似憐唐相飲  
江沉應笑屈原醒坡陀海露神龜窟潑灑波翻竹葉馨  
我老探奇心尚在醉來歸夢繞螺亭

隴禽辯慧世同誇何事將身學海蝸江月洞空珠有淚  
卿雲覆體玉生花回天不入深宮夢樂聖欣歸左相家  
常憶郡樓初飲處頓令觴竿失光華

至元十年官居平  
陽時監郡邀余飲

白雲樓上出此器勸  
客余初見之故云

哈喇台斷事官系出中朝勛族喜讀書溫雅尚  
禮樂與賢士夫相接過衛來訪慤厚之意無以  
相荅謹作是詩為贈且見夫妙齡英發之氣云  
赫赫金張奕葉崇濟時還屬黑頭公讀書志在諸君右  
奉命名高畫省風一札恩光寬大裏八州刑憲笑談中  
皇家求治如飢渴莫後當朝補衮功

餞王倅北行

邙衛從來八達衢三年不易二為車一官聊爾開公道

四海能行即丈夫花外驛亭留故事日邊消息聽新除  
諸君若問民間治最重無輕是使符

壽鄉兄君玉評事

七十平頭鬢未毛久將家事付兒曹心便教子初無惜  
日喜延賓不厭勞花木漸成林下趣襟期猶是邑中豪  
年年櫻筍堂前客常對珍珠滴小槽

送從事李廷玉北上

邳衛從來四達衢三年不易曳長裾持心有道清廉在

遇事能方長厚餘入幕不知王儉客攜行唯見恕軒書  
揚清激濁朝家事不信銓曹止舊除

秋欄四章為仲畧弟皆有和章丁亥秋季也

宜男

松竹庭前草半蕪幽花含笑發春腴暖回堂背孤根秀  
畫出宮池百子圖泥露冷搖金鳳淡翻香重上髻雲烏  
怡然坐對忘憂外披拂餘芳任蝶鬚

寒菊

三徑歸來已就荒更看風雨過重陽自憐楚些清吟苦  
留在寒花晚節香黃蝶有情時見過綠樽無酒淡相忘  
蕭蕭五柳門前路何處斜川接醉鄉

秋蝶

舞困春光興未窮又將心事戲秋風凌晨趁暖翻朝煦  
薄暮棲香入菊叢幾夜流連迷曉夢誰家圖寫出深宮  
翻然不逐韶華老飛過欄杆西復東

薔薇

月下亭皋百卉空  
秋陽分暖發春叢  
重滋芳露供坡墨  
兩見嬌黃出漢宮  
要伴紫荊昌節晚  
肯容鮮菊擅西風  
結根得所原來盛  
及物為祥恐未公

謝趙主簿惠古餅

貯藏元氣悶重泉  
土暈苔滋碧頸圓  
枵腹戒貪瞠兩餐  
佳城定日見千年  
茂陵神盃知金重  
銅雀澄泥比鐵堅  
聞說插花多結實  
露堂從此得春先

上巳日禊飲林氏花園舍弟仲畧首唱

臘蟻香浮金巨羅一聲清艷過雲過千年盛節稱元巳  
四座嘉賓到永和曲水風流清興在茂陵依約綠陰多  
柳園儘帶餘徵去未擬花枝照鬢皤

和韻三首

朋盍華簪擁佩羅秉簡聽我醉時歌柳園泛艷風漪去  
樂事追隨獻歲和坐近綠陰花氣重步移紅袖野吟多  
杯行到手須沉醉六客樽前我最皤

春晚衡門厭雀羅臨流來咏舞雩歌喜從多士明鄉飲

趁此春風扇物和林下幽香蘭草暗樹頭乘暖野禽多  
揚花也惜芳筵散糝亂溪橋似雪皤

麗日晴川艷綺羅琵琶聲趁紫蘭歌衣冠盛集有今日  
花柳春風覺太和闔郡浮觴從此始百壺載酒不為多  
醉扶歸路人爭看不道花枝笑鬢皤

喜雨

丁亥歲三月十四日晨起露氣甚潤疑雨兆是日夜  
大雨作至明日晌午乃霽後二日即立夏四月節時

頗早故有此作

一氣先瞻玉露灑夢驚蒼溜曉淋浪洗開塵障千年靜  
釀出春風百草香人變膜憂為燕喜歲回時歉作金穰  
兩盂糲飯朝飢了從仕閒居總未妨

題雪堂雅集圖

擾擾王城若個閒禪房來結靜中緣機鋒為道靈師峻  
樽酒同傾繡佛前談麈風清穿月窟雨花香細颺茶烟  
應慙十九人中列開卷題詩又五年

瑞麥

農使荀正甫過邯鄲得麥一莖九穗蓋未之見也作詩以誌其祥是年農司復立一依已行條格丁亥歲

夏五月也

麥秀從來說兩歧連枝九穗若為奇物闕極數知陽盛人飲天和樂歲宜同穎並歌唐叔稼駢莖休頌漢房芝天公自喜農司復一札恩光總舊規

秋風如水聲

丁亥歲六月十九日酉正二刻立秋是夜聞秋風自  
東北來如大水將至

靜觀天意儘孚誠一夜秋風似水聲志士聽來心未穩  
客窓聞處夢先驚物華披拂爭寒實鷹隼憑陵想迅征  
常笑晉人無遠用扁舟東下為蓴羹

遊白茆寺

為愛西山欲徧經春風吹馬上峻嶒千章古木偃崖寺  
一點清光守障燈石碣題名留故事松陰移榻對殘僧

婆婆最樂雙泉水潤入高峯露氣凝

敬器詩三首

并序

昨飲韓進道家座間出敬器勸酒暮歸醉卧既醒夜  
四更試作二詩吹燈起書覺筆端甚來之易也投筆  
就枕復得一詩似勝前作明日示弟忱請行合屬即  
為之先和

神物誰移代酒船轉縣金觥兩楹間繞中便得居安理  
稍溢還成覆水艱魯廟橫陳猶賜寶金鸞揮洒憶朝班

汪然能起鯨吞興鸚鵡為螺恐厚顏

卿雲垂彩捧宗彝終日持盈伴狄儀  
滿酌綠波浮艷蟻兩椿春色上修眉  
致恭幸過神明器勸飲休誇金屈卮  
抖擻宿醒還頓悟此心纔倚已惟危

几杖槃盂總有箴古人垂戒一何深  
以漿為酒惟無量覆水藏機恐過斟  
魯奠兩楹朝復暮崖州一賦古猶今  
儼然頓獲神明觀常記春風拜孔林

賀介甫提刑得雄

海中仙菓自珍奇莫訝秋風得子遲  
瓠暫定推陳氏子  
蘭芽端吃馬家兒蒼蒼有道旌遺直  
繼繼無窮見孝思  
湯餅筵前最忻喜老親時抱笑含飴

成耀卿以所釀柅酒相餉賦詩走筆以謝

玉色芳魂已可憐白衣持送飲中仙  
周書盛說神明誦  
齊楚休誇桂酒玄光透銀觥無表裏  
法傳真體得蹄筌  
醺然坐我春風底夢到明禋二卣前

丁亥歲重九日同弟忱展墓奠辭二首

黃葉番番落帽風今年秋祀喜君同生榮沒感無餘憾  
秋降春生又一終玄壤潤涵泉脈遠飢烏飛去夜臺空  
兩鄉相望幾千里常在神靈顧護中

馬亂溪流溼鐙金捨鞍齊簇野棠陰千年盛氣通滄海  
滿袖秋香奠祖林廉石未瞻先世號表行終愧古人心  
衰年最切光揚事此意從來不獨今

右和舍弟  
仲畧韻

奉竇野臺之曰

墳南岸相對一方甚高平天然  
一臺弟仲畧因曰可為王氏遣

興奠  
拜臺

秋興非關觸物哀時經虛落自悲哉重門未署榮親表

暗用原洪

老岸先為下馬臺

暗用董生下馬陵事

節序登臨車轂

京兆之事

擊春風粧點野花開一杯共酌清泉水長繞先塋兩面

來

一作  
深滾

送弟仲略得假南行

舉頭健羨看雲鷓跼跼爭教墮水飛假促最先無累保  
事纏當重早知幾雲連鄧鄙春泥遠路過襄城野店稀  
去去莫辭鞍馬倦迎門兒女要牽衣

綠毛龜

四海金明一渥洼，伏藏來自水仙家。  
背裘衷屬元居長，髮散柔絲翠有華。  
浮出淵泉看處好，泳游蓮葉認時差。  
杖扶行嘆陪三老，夢繞春烟鶴禁花。

此龜至元十三年  
千秋節陪姚左丞

許祭酒許榮祿行香東朝禮  
畢觀交趾所進大蔡故云

洛水當年負緯書，獻嘉此日野人俱。  
蒼鱗閃閃精分斗，暖髮毵毵翠滿軀。  
元氣曠來終不老，芳蓮巢處更堪圖。  
詩成喜覩詞臣賦，蚤晚人文與瑞符。

至元廿九年丁亥秋九月廿四日壽中丞王元復放生者以此龜來獻余以靈物罕見為賦一詩明日偶得大定廿三年壬寅冬党承旨郝侯張甫所進賦贊墨蹟序說明時嘉瑞甚郁郁也當時竹溪纔以應奉供職文與翰已復如此宜乎金百年以來文章命脈得其正傳者公一人而已因念余平日所行造物者皆使之前知此節雖出事後其類大同亦可重也故并及之

秋洞集

秋洞集

二十八

秋澗集卷十八

欽定四庫全書

秋澗集卷十九

元 王暉 撰

七言律詩

老境六詠 并序

夫人百歲如馳駟過隙能幾七十者又復幾人所謂  
倘來外物猶浮雲過目亦何足道哉因感壯年所行  
多輕生之事趨前太猛一也讀書過分二也飲酒無

量三也妄慮坐馳四也喜談耗氣五也戰藝多勞六也不肖今年已踰六旬念此六失覺五十九年之間何翅是耳而驚而愕且畏且怖豈勝道哉故養生之念蹶然生于中蓋其勢有不得不然者因作者境六咏庶幾與我同疚者聞之不無稍有所戒亦老者安之之意也至于直達性情以救往失初不以工與拙為計也幸觀者無諗至元二十四年冬十一月一日秋澗老人謹白

飯後即步

殘書讀罷午飧餘信步徐行當澤車接武經過道德里  
談玄時到故人廬老便步穩靴無襪靜愛聲璆佩有琚  
相送歸時燈已上到牀一枕即華胥

目倦忘書

辛苦雙明六十強滿前花黑理應常酒盃縱對甘無分  
書卷相看任久忘虛室靜深便默坐午窓晴爛怯餘光  
悠悠未了三千牘吟諷從今付窟郎

言慎養氣

聚首閒談足是非到頭贏得小人歸屬垣有耳當捫舌  
守口如瓶慎動機珍惜無先吾氣浩坐忘深識道心微  
客來客去俱恬靜克已存誠恐庶幾

食甘戒飽

食前方丈肉如林莫遣分毫胃氣勝百解盡從中所過  
微軀能不病相仍已飢便飫甘能止過軟雖鮮熱則乘  
此是老坡真聖藥免教攜杖去騰騰

寤寐絕思

夢神依例倒殘更日似鰥魚了不瞑正為膽寒增展轉  
不緣身老惜伶俜滌除玄覽歸安靜宰制心君入杳冥  
昨日早興襟韻足不知青鏡鬢星星

息藝休心

辭筆縱橫更老成祗來虛譽不根經風雲滿眼嗟何有  
月露盈筍笑未停肆口成章終妄作忘言休思是頤齡  
子淵直在心齋妙一字何嘗及性靈

坐倦即眠

坐暖蒲團倦自然夢歸先到蝶飛邊  
瞽臙癡絕疑盤石  
肩井斜傾似墮鳶香散餘馨栖翠被  
竹搖寒影掩殘編  
老來境界無多味飢即思餐困即眠

一作不教意氣加  
我體愛殺中和論

性  
篇

香冷燈殘靜枕幃竹窓幽思獨依依  
時情久與詩情淡  
銳氣今從夜氣歸空控孤膺堅鷗坐  
漸驚縫掖擁腰圍  
黑甜滋味雖同體未分甘從朽木譏

汲城懷古

尚父祠荒草滿扉五城猶在陣圖圍飛梁水落橫霜瀨  
石馬門空半夕暉竹簡有光陵寢破山川今是昔人非  
臨風笑煞安釐事甘著虛名博禍機

夢王尚書子勉時罷中丞在揚州

丁亥八月二日

分明昨夜夢王褒海上歸來從鳳毛燈下留連乘醉月  
筆端揮洒挾風濤滿囊文具為余贈四座春風倦士豪  
與客忽從窓隙去惘然驚覺聽鷄號

冬藏

木葉歸根到閉關  
遇藏初匪避冬寒  
孔宣何苦韋三絕  
顏氏胡為樂一簞  
庭戶信知吾道在  
光陰移入畫圖看  
此邦雖小無窮事  
定力先須似石盤

小邑都來掌許間  
紛紛人事日多端  
敢言絕學來希孟  
不解呼盧去效韓  
身老轉驚謀道拙  
時艱難作強歌歡  
正須一室虛明地  
時著閒身引睡看

丁亥歲十月十日夜夢乘舟渡一大河既濟望

南岸一閣高數百尺窓戶北向自簷至地上下  
以琉璃大簾垂蔽翠色半天甚奇麗也

雲間高閣翠為簾疑是仙居擁衛嚴虹影蕩搖青帝闕  
海風吹墮寶陀嵐半空倒影驚奇絕千丈遙光入顧瞻  
我自平生多異夢似憐方朔詫雄談

菊飲

李縣丞靖伯約嘗新釀坐客有云酒之醇粹莫胚胎  
若也遂菊而飲之偶得獨脚句醉歸為足成之如能

可君等雅意便當屬和時至元丁亥冬十月八日也  
瑟縮松風滿甕春甕頭筍飲有餘薰醉鄉日月時須到  
太極胚胎昔未分肯教小槽珠作滴換傾浮蟻玉為羣  
人間愁緒知多少一醖能消正要君

誰擬鯨吞罄綠樽一盃聊示試芳溫中含妙理何多味  
細捲春江儘帶渾談藉清光搖北海詩憑風韻繞西崑  
知君預報時須意免致來敲月下門

透月巖

偶到君家思適然一峯奇石墮吾前千金欲買初無價  
百穴潛通小有天花露透香滋碧潤月娥含影愛幽妍  
從今紫翠芙蓉夢不到齊州落照邊

成氏西灣即事

栽種西灣趣已成主人置酒約同傾小車來駐林間閣  
藜杖閒看雨後耕老圃生涯非細事滄浪清濁任吾纓  
少陵苦愛溪居好興在千章夏木清

南陌東城占却春西灣深處最藏身青芽破粒柔桑穉

紅袖迎門杏蕾新  
醉裏風光多樂事  
老來清貴是閒人  
就中更愛清溪水  
隔斷西風庾亮塵

壯年心事幾虧成  
每對蒼髯聽細傾  
夢裏江河幾走遍

林間雞犬却歸耕  
潘輿正要閒居賦  
蘭佩誰堪海縣纓

脫却烏紗有忙事  
甕頭春釀澆生清

海縣纓暗用解蘭  
博塵纓事海縣調

周彥出為  
海縣令也

清明日花下獨酌

時戊子歲廿七  
日游泗溪作也

人家拜掃重清明  
羅綺翻香曉吹輕  
不欲把書成兀坐

也隨游子出重城閒雲弄日何多態春水平橋不礙行  
勝事自知還獨往一壺來就淺沙傾

後一日雨中招林韓李三君子小酌且為梨花

洗粧

時新植梨花  
一株盛開

花滿金瓶酒滿樽一杯歡飲得佳賓近年樂事無今歲  
此際閒身有幾人祿美勝於三品料臘香清徹六根塵  
風簷數點催妝雨瓣與梨花作好春

東坡汲乳泉圖

儋州遷客玉堂仙服食天教得乳泉  
三咽遽驚滋浩氣  
一甘無壞是冷泉中朝清議孤忠裏瘴海鯨波九死邊  
落月淡隨人不見滿襟風露獨翛然

道宮獨發乳泉香似與坡仙養浩方  
井冽不從炎海瘴  
味甘還比上池觴化機軒豁元胎溼孤影追隨月色蒼  
天地此身忠義在一杯三咽濯肝腸

送姬仲寔隱士北還

紛紛末術例從諛邂逅淇南論有餘  
賈傅自憐多感慨

東門何意泥孤虛  
雨連賓館留三宿  
天遣幽懷為一抒  
覺我胸中聞未有  
九峯新說歷家書

壽器之國醫

學開金櫃得真傳  
濟物功深不自賢  
前輩衆推楊獨步  
後來誰與子爭先  
青黏有術扶衰謝  
白髮相看度歲年  
此日樽前祝君壽  
一杯還代上池淵

白簽事彥隆哀辭

素菴一氣本龍終  
心苦時違孰與同  
強仕有為三品料

發言多是四書功  
愁隨野草憂春雨  
恨滿山城對月宮  
誰謂魯齊興起地  
古共門外便秋風

王師中哀辭

玉樹庭堦自幼看  
九霄雲露到鵬搏  
天門折翼嗟何及  
宅相論微理未安  
咄咄向空書怪字  
涓涓揮淚溼門闌  
應憐遺愛祠前柏  
恨鎖秋風月影寒

壽少尹寶同

知寶丁平  
章子

秀稟金天一氣晶  
規模全是漢專城  
當官治劇有餘裕

臨事知機見老成門閥起身真相種天池刷羽看鵬程  
一杯領取千秋壽細看檀槽合玉筍

顏氏冠詩寄浦城主仲白祠李知觀

一握儒冠綴七梁金絲勻織玉為相顧瞻遺製從顏始  
陪侍先師見色莊巾卷在庭聊束髮玉簪橫影夢升堂  
切雲莫羨如箕大曾冠三千弟子行

紋背藤梁玉色瑳師傳原與薛同科

薛模為西漢冠  
師出高帝紀

要

盤白髮三千丈閒過春風十二窠衰俗幸存加冠禮滄

浪無用濯纓歌敝餘改作須重巧玉導先期為細磋

朱砂餅菊詩

并序

秋澗翁觀花于秀春園見菊之種甚多有所謂硃砂餅胭脂紅予謂白與黃菊之正色今變幻若爾何哉或曰接之於艾致然予試為之說曰艾火草也菊亦陽種也以二物方盛之時使客於艾之末未有不隨其主之盛氣而變者又赫以鮮者陽之精也故有硃砂之異此雖小事亦氣化之類也格物者不可不知

故序

玉餅金蟬爛漫秋  
朱砂為質更風流  
天機欲測司花巧  
物色先從氣類求  
孕秀似鄰勾漏井  
分香當上絳霄樓  
朱顏厭對柴桑客  
恐睹空杯笑不休

送錄事薛彥暉秩滿北上

秦隴風聲化有邠  
規模況自左山來  
三年敝邑淹良驥  
一日銓曹得茂才  
撫字論功書上考  
廉能覈實到蕪該  
春風領取新除去  
喜動關山兩翼開

王尚書子勉挽辭三章

淚洒行間閱尺書  
訃聞三至尚疑虛  
佳城一閱無開日  
聯事三年忝貳車  
詞筆早推韓愈健  
曠懷未覺孔融疎  
那知一夢終天別  
惆悵春風隔綺疏

少孤綿歷太迤邐  
遭杜甫光榮四十年  
氣運倘來方出限  
愛心先斷便終天  
魂飛楚些和雲慘  
淚洒淮壖與海連  
左袒客衣三匝去  
延陵宜為聖稱賢

婉孌英姿自妙年  
奎光空照玉堂仙  
空教一世龍門重

誰遣三王鼎足偏曠度包荒無徼畧秋濤翻海失鱸鱖  
百觚未醉螺臺酒重為斯文一泣然

遊蒼峪青嵩山有懷烈士甄濟

重義於生視若歸封刀無復逞霜威千年喬木高風在  
一片青嵩烈日暉元稹論忠真不愧杲卿推逆與幾希  
環山弋獵猶知畏白鳥冲烟自在飛

商左山副樞承屢念及作詩以答雅意

四十年間凡九遇感公翦拂使長鳴三蒼論法傳餘蘊

七札量能綴賤名曉日岳祠留語別秋風韋曲餞予行  
傷心綠野堂前月空遣留光照斗城

賀士常侍御授吏部尚書

識見久歸清議裏恩光今著履聲中文章曹植波瀾小  
星斗潮陽譽望隆除重不知黃散目翰誠思補變調功  
從今不鎖春風部管取銓衡被至公

題懷孟路宋總管太夫人九秩詩卷

七十邦君九十親人間此事少同倫柏舟高節徽彤管

鸞誥清光照畫輪步履不緣扶杖健精神猶比結襦新  
河陽莫說潘安樂沁水花前別有春

身寵家溫親老健福全無似宋門榮漢宮傳訓班儀在  
萊子承顏綵袖橫孤節勁餘湘水竹九齡春動野王城  
年年壽席聞佳語南極星邊婺女明

和陶主簿見寄詩韻

時主肥  
鄉簿

平生鄉國共游居老去文交樂更餘苦厭物情多薄相  
每吟風雅入吾廬一官稍得寬民力三飯何憂進野蔬

聞說故人真吏隱竿頭還有再懸魚

哀挽亡友中丞王兄五首

百蛇墮地一能龍  
知己相須不易逢  
僧孺固應知杜舍  
臧洪初不負張公  
扶搖羽翩翩  
溟海作養功名上  
景鐘  
自笑澗松居不巧  
半生清露到虛蒙

嚶嚶求友啣同聲  
五十年来好弟兄  
零落山丘有今

以下  
原闕

欽定四庫全書

欽定四庫全書

十三



小園即事

閒來無事欲何營  
總是栽花種柳情  
汲水溉餘紅藥秀

遶欄看得綠陰成  
身參化育行當健  
物喜安舒悟養生  
放下虛窓時倦卧  
夢驚還聽乳鳩聲

小園清潤稍堪觀  
翠有庭筠馥有蘭  
未放薔花金作蕾  
已開梨蕊雪為團  
鳥欣有託扶疎樹  
客喜來頻話曲欄  
深院日長須細履  
也勝愁坐兩眉攢

託陶晉卿借鄭氏所藏劉房山行草效吳體出  
入格

房山一字三過筆  
此帖揮洒何其殊  
臨池親覩長史作

透納又是涪翁書春葩舞女多姿態  
遠韻高風見步趨  
手追心摹情正切託君為借今何如

復作一詩以繼前韻

鄭家數幅房山書自笑伎癢須臨摹  
五陵裘馬見年少  
兩漢劍履多文儒游談得叙真可壯  
破塚求法何其愚  
煩君更擊馮夷鼓未信驪龍不吐珠

戊子歲穀雨日

中丞王兄令李子師中攜名酒洛花相餉作詩以謝

殷厚

洛艷紅嬌醴味佳併攜春色照人來  
豐苞細拆先三嗅  
醜蟻連傾盡數杯  
北里定應香作陣  
西園休詠眼慵開  
維摩久病行當問  
好在春光紫錦臺

括九峯禹貢解北條北境之山

晉北諸山自代來

自襄武嵐憲四州而來

胚凝首自霍山開連延

脊脈為壺口南作析城王屋排復折而西雷首出一支  
北走太行崖又次一支為大茂四條明白不須猜

大卿徐先生挽章

諱世隆字威卿金進士第陳州西華人官至集賢閣大學

士故  
注明

壯歲巍科擢上游如公樂易更風流  
文章海內原推轂  
議論行間孰與儔  
鄉校功成東魯盛  
炬蓮恩在北門優  
自憐狂散慚提獎  
爭遣鱣堂一拜休

至元廿一年予按部東平拜公于私

第之前堂公時已在病眷眷于予者甚歎既而卒于家

壽總尹劉公

一家英氣益遼東  
聞說君侯有父風  
作牧首分青社土

策勲誰比黑河公  
化行屬邑謳歌裏  
春自慈幃孝養中  
今歲壽筵光景好  
榴花渾似舞裙紅

龍教授哀挽

東郡教授龍君名華字取新  
廣安人善賦學及五星  
等術士子從之學者多所沾丐  
至元辛巳與予相遇於滑  
朝夕從游者旬日一良德君子也  
後至魏縣簿政有聲及茲云亾  
其子夔來求哀挽章特賦

當年按部館南衙  
日夕相過興未涯  
楚產例佻開實學

天星推度見名家大任山下遊龍洞歸雁亭邊望暮沙  
此日題書重惆悵為君回首眷西華

商左山哀辭

商孫膚敏矯游龍千載留芳見此公佐魯謀猷原克壯  
定秦功力更沉雄城門被藝池魚涸臣罪當誅聖主聰  
老淚不緣知己痛麒麟臺上又秋風

瓜爾佳尚書哀挽

名之奇字士常  
終吏部尚書

品彙流形萬不同銓量平允儘消通恩非出已知誰怨

天不遺賢見道窮三復苦辭歸汶上一官催老淹曹東  
茫茫大塊升沉裏重為清朝惜至公

追挽承旨王文康公

文章四海一康公炯炯元精貫日中盧肇名先金榜重  
歐陽仙去玉堂空道由實學明真用義不忘君見至忠  
惆悵當年門下士斷雲低處望曹東

左丞史公哀辭

并序

左丞史公之薨客有云云者余曰事機之來雖理有

難處度不違於義其寵辱有不足驚者當倉卒之會無  
定力以順受輕則伊鬱而自阻重則憂悖而隕越正  
以不安而無定力故也嗚呼史公不少隱忍以光先  
正之業而至於斯其命耶抑以有未安於所受之正  
耶於是作是詩哀之

兩鬢金貂漢九卿霜威平日柏臺清儘將事業傳鐘鼓  
不持家聲藉父兄自忖行藏無所歎此身榮辱不須驚  
辨姦聽徹唐君說淚洒西風滿豸纓

丙戌歲中秋後二日夢過真定與宣慰張鵬舉  
相會作詩為贈既覺頗記首尾意韻因足成之

九月十一日忽英甫過衛  
說張子是月日卒于真定

千里提封入控臨不知秋氣上華簪  
紫泥頒寵何三詔丹宸輸忠見六箴  
機務固方前日簡論思尤比向來深  
無端共得團圞月轉覺孤懷愧此心

蔓慶憲副良友

十年局促伏轅駒解鞅歸來樂自如  
奔走止緣餬口計

支離況是不材樗常因客過知安健多謝人來問起居  
把酒竹軒猶昨日清思想似向來臞

寄贈介甫憲倅聞除興元總尹

方聽新除入歷城忽傳改授漢中行霜空暫息鷲飛翮  
民社教優撫字聲興利試尋山水堰遠征先恤異鄉兵  
如承高省相垂問老我山田二頃耕

送徐正卿秩滿還漳南

共筆燈窓憶昔時只今相顧鬢成絲三年調議良多益

一道將迎不易持辭別已餘連日惡直清畱在後人思  
漳南未是歸棲地要與朝家作羽儀

謝湯宣慰惠書

閒來何物慰窮愁細把調元入校讐相業有方無限事  
室書能幾不容抽已欣惠賜承蘇集復夢翻香上郡樓  
挿架萬籤容易覽鄴侯人道是湯侯

代書寄友舊二首

匪為窮愁日著書閉門經史且相娛為憐魯酒無多味

任使陶餅乏見儲黃卷能教吾道在青雲未覺故人疎  
有時夢到烏臺月奄奄猶勝載五車

半紙功名不足書暮年心事若為娛背時伎倆輸鳩拙  
度歲生涯儉擔儲為寂恐貽高密笑不才爭似孔融疎  
退藏入密真吾事誰遣門多長者車

西村三首和韻

種來佳樹日扶疎秋草當階不忍鋤城府事囂閒靜重  
林墟秋熟物情舒溪行改徑農耕後漁捕移梁水退餘

我自興來成獨往手拖拄杖不巾車

近歲行藏匪自疎胸中刺鯁要誅鋤  
通明縱使同方進樸鈍何知似魏舒  
堂上呻吟從肉食橘中遊戲喜霜餘  
八騶前馭非吾事正要安徐下澤車

忖量身世兩乖疎去學淵明荷短鋤  
時事未容閒裏過人心安得老來舒  
沙鷗遠泛機先識穴鼠深藏壤有餘  
我輩所行多倒置早資舟楫水資車

寄道之憲使仁兄

匪為場苗賦白駒別來多事復何如臣門最喜心如水  
故地猶知里號樗落落壯為天下客潭潭老向府中居  
為近日二憲使  
不出府故云使君若問年來況山澤依然老病癯

聞平章游公薨于維揚以詩挽之

邂逅灤江讌語頻外臺初建首先分風雲契厚真吾相  
魚水情深有分民名在諫垣稱鯁直力輸王室最公勤  
豐碑會見十年後猶是中朝第一人

丙戌除夜

盤花紅卷燭花搖一歲迢迢盡此宵凍合臘香浮柏葉  
暖移春意上梅梢拊心自信愚忠在流涕還悲髀肉消  
揣分要知溫飽力此生無地答清朝

賀丈卿同簽宣慰河朔

時真定連  
年旱灾

春風花發四隣香曲卷時過笑語長議論有方消鄙薄  
功名無地不輝光簽書樞府孤忠壯愾敵長江一葦航  
今日八州歸總轄又煩和氣致時祥

同簽趙公挽辭

諱良弼字甫之遼東人至元二  
十三年南遊京洛卒明年正月

二十四日夜見于夢託于合易其名諱情意甚切不然目將不瞑矣遂作是詩以記其意

識遠幾沉任獨勞不將虛譽冠時髦使華光動扶桑日  
樞府謀深尚父韜四海樊川遺隱在九年精爽與秋高  
分明夢裏來相託抵掌猶能似叔敖

禮部尚書許公挽辭

當年劍履上星辰忠謹持心老益振藥籠功名開壽域  
朝端風度見誠臣勒漿有味霑餘論卿月分光照近隣  
吾自訃音增悵望白雲長處是滄垠

凶訃初傳不忍聞，惜從朝著失忠臣。  
安常每懼非常寵，格物還深濟物仁。  
貶損定交何眷厚，燕閒相過更情親。  
鱗鱗細約車聲去，長憶同遊過闕晨。

宋賓客弘道挽辭

景玄絕學到縱橫，此老猶能見典刑。  
相府才華推上客，少微光彩動前星。  
誠身初不離儒行，進學何妨雜貝經。

正有莫教傷餒恨，併隨神劍閔泉扃。

公舊有  
舒辟劍

萬有紛華入醉吟，都將誠靜粹靈襟。  
雲松卧壑存初志

望苑霑恩豈本心  
談並齊諧疑志怪  
學空滄海別穿深  
斗間縱有龍泉氣  
淒斷春風綠綺琴

追悼叅政李公仲寔詩

并序

至元丁亥二月十日夜夢李叅政仲寔再拜向予顧  
指所佩鞶囊曰吾平生盡在於此他日會須累君但  
不敢輕易發也既寤悵然者久之因追作此詩以見  
其神交之不昧也昔李衛公見夢于令狐綯懇其北  
還綯畏其精爽白于帝得以歸葬今李侯明以後事

未託予老且閒不知何所賴焉

冠劍風雲擁漢庭  
斗邊喉舌詠孤聲  
漢儲羽翼非輕託  
蜀酒雖多每細傾  
身後哀榮光謚冊  
夢中精爽似平生  
分明指顧鞶囊事  
一縷幽光要累卿

挽救官石仲遷

名與義鄭州人少為縣吏後從李野齊學終于南京教官

臨試東過僕射坡  
封書投贄識君時  
生猶積玉期三獻  
死愧囊金昧四知  
塵世驚回黃落夢  
帝京悲動白雲辭  
因思吾輩英雄處  
貧賤能安貴不移

送府判李侯赴調東曹其懷政備見乎辭

邳衛交衝辦事難送迎終日不停鞍去官不到瓜期代  
在分能教幕職安衙鼓通嚴披訟牒厨烟吹碧淡蔬盤  
回看奔走風塵際却惠新除是振冠

代書奉寄子明宣慰

時為濟南宣慰

五載因官寓濟陽朋簪盍處佩聲鏘金盤亂醉雲溪酒  
綉騶同披燕寢香樂事有懷終會合名泉無計共徜徉  
空餘情似康崖水一脈勾連到海長

騶一作騶其物反乃今之半臂也出

光武  
紀

壽子初中丞

鼓瑟春風記點同轉頭俱作白頭翁  
遠遊長得知時報  
微恙行收勿藥功  
巾卷在庭隨燕几  
嬰風和露溼簾櫳  
暮年縱有周公夢  
輸與浮雲度太空

送史邦直之任竹山

縣在房陵更在西  
一官雖遠儘施為  
王風漸被無遐邇  
異俗能安戒鄙夷  
會待竒姿超駿足  
試教銛穎發囊錐

彩旗鬧簇清江渡想見春風到任時

丙戌歲除夕

去歲椒盤一笑爍今冬除夕倍悽然  
莫餘靈柩鐘聲後坐對陰容燭影前  
存沒不堪思往事康寧還喜過今年  
數家剩說新春好夢到梅花小雪邊

奴星具稷送窮歸夜久蘭堂燭影低  
梅雪溢寒嚴厲鼓枕香留暖潤盤犀  
試傾臘醞歆椒頌已覺春風拂畫雞  
明日書雲臺上去蒼精橫角看杓攜

答何劉二端公

屢有人來問起居近年為況果何如  
每承首錄常深感欲話行藏不敢書  
逐末有慚規什一歸田無力把犁鋤  
時時夢到霜臺月靜聽烏聲尚起予


挽李子揚

早歲龍門接茂才相攜有意上台階  
夜書肯信元康在詩思爭高岳掌開  
落月滿梁清夢斷旅墳三尺野烟埋  
微官殆似台州鄭拊卷題詩擬八哀

三十年前成邂逅酒鑪傾徹醉顏開  
筆端力挽狂瀾倒袖裏親攜太華來  
淚洒行間遺草在恨埋泉壤劍鋒摧  
因思秋雨蒼苔句何限令人不飲哀

餞士達御史送臺

通家世契鬱蘭金驄馬南來屢見臨  
披露義襟餘悃幅酌量時務入精深  
眼中白壁真無價調外朱絃有賞音  
回首炎荒四千里一杯不惜為重斟



秋澗集卷十九

欽定四庫全書

集部

秋澗集卷

二十一  
二十二

詳校官侍讀學士臣沈晟熙

侍讀臣孫球覆勘

總校官降調編修臣倉聖脉

校對官助教臣汪錫魁

謄錄監生臣許立壘

欽定四庫全書

秋澗集卷二十

元 王暉 撰

七言律詩

西溪見夢

十月初八日  
夜五鼓初

枉面相看凡格間  
笑談似與浣離顏  
趣裝已辦宜趨往  
江路雖遙不久還  
魯國自來尊北海  
謝家誰更作東山  
蕭蕭夜雨蓬窓曉  
細酌清樽與淚潛

儀封道中

驛館殘缸曙色分馬馱殘夢走跋跋去家已遠誰為侶  
到處相逢有故人健羨鷗盤慚始擊靜便蠖蟄返求伸  
一杯拜酌睢陽廟激懦扶衰尚有神

睢州道中寄友人

奉詔東行獲所安却憐衰朽強為顏恩緣至渥酬無地  
事不預防多後艱遠馭有方清百越纖埃何補奠三山  
殘年正要相料理既不容辭望蚤還

過歸德寄何相

白髮年前六十三，強扶衰朽去江南。  
心知義重吾何惜，老不身安事恐耽。  
弩末縱能穿魯縞，病軀何可敵閩嵐。  
鄉關回首四千里，正累君侯與細參。

十月廿七日過下邑喜與趙彥方侍郎相遇作  
詩而別

暮色增寒慘，驛亭燈垂紅。  
燼盡情明長，年幾夢溪堂。  
月此夜相看，下邑城流落。  
蠻方真可畏，笑談樽酒且同傾。

金匱山房詩集 卷二十  
回頭楚水楓林下  
焜焜聲華定彥卿

宿宋家山趙氏田舍

白髮搔來不滿簪  
就中誰遣世塵深  
野烟遙認圮橋月  
霜夜初聞楚戶砧  
長路苦吟支睡思  
客窓無夢耿鄉心  
前行說似安夷道  
隱隱青山轉榭林

揚州送劉漢卿東歸汴梁

海鷗翻雲下錦鞬  
眼中人物見風流  
誰期淇水三秋別  
却作維揚數日留  
樽俎留連江上月  
風烟吟眺竹西樓

馬頭細嚼梅花句又領春風入汴州

西湖

西湖三面簇青山淨拭菱花照翠鬟  
蒼海月寒龍穴露彩雲仙去鳳簫閒  
無多樓觀猶圖畫最好風烟近市闌  
鄭重繡衣周漕使畫船春酒待余還

留別左轄台相

兩浙江山漠霧雲吳儂輕剽到羣奔  
纔寬防異須威霽稍困隨方以德存  
龍寵優來心愈小義方嘉處勢忘尊

忠傳孝繼平生事長見風烟擁戟門

一作薦賢正是台  
衡職堯李何須在

門一

乙亥冬仲三日與宣慰楊子秀總管高瑞卿侍

郎田榮甫三君子邂逅於餘杭其喜有不勝者

以詩留別情見乎辭

北來冠蓋拂吳雲試計分飛動十春意外論交緣義重  
天涯相值更情親放懷樽酒難同舊照眼梅花總可人  
明日浙江江上去寄聲多逐荔枝塵

下大安嶺

俗云分水嶺

宿霧霾山苦未收馬衝寒雨下關頭紅雲軟脚揮三爵  
碧玉攢峯擁萬丘日月麗天從北轉山川分水盡南流  
漢家分教今無外誰遣氛妖孛斗牛

時汀漳等州鐘寇作耗未平故云

三山元日

臺藝天香簇絳紗三山簫鼓樂年華竹枝歌後多淫祀  
燕子歸來識故家荷鬢鬧妝餘翠貝蔬盤勾釘雜魚蝦  
殊方風物雖堪賞爭遣哀年客海涯

贈之問前尹

福州庚寅三月廿一日作

社燕秋鴻十載餘  
天涯邂逅兩臞儒  
九遷論秩心何有  
百折當年氣自如  
喬木故都思往事  
月明滄海炯遺珠  
春風回首桐城郡  
時訊平安見簡書

送李司卿輔之北還

李司卿名天佑安次人與于同年為御史今為戶部

尚書北還

憲府乘驄憶舊遊  
白頭相見嶺南州  
地連瘴海三山月  
人在元龍百尺樓  
此日又驚成契濶  
異方誰與慰淹留

交親若問衰年況夜夜秋瓜夢故丘

庚寅春三月與張參政獻子李司卿輔之會飲

九仙絕頂其道室榜曰滿目雲山

四千里外同羈旅三十年來老弟兄樽俎喜陪今日宴  
江山難得晚來晴巖花帶露春容溼醉袖翻香笑語清

莫對雲霞說輕舉蒼生料理正煩卿

時張參政奉旨  
科八州民數

暇日登道山亭懷古

亭在烏石山巔有碑刻南  
豐記文其上刻鄰霄臺三

大字

閩會東南控嶺溪斗牛無孛歲無饑文風興盛猶唐館  
霸氣沉雄入劍池海近重城朝日蚤山蟠平野暮江遲  
危亭一片瑤鏤在晤語殘陽倚杖時

送師彥貞蘭寶臣二御史

庚寅四月十九日

半歲相陪百越東救時人道向來驄劍花光動蛟螭匣  
豸角霜嚴簿領叢明月共看千里隔巖峯回憶一樽同  
偕來不及成偕往日斷三山羨去鴻

大中德長老見贈竹輿作詩為謝

人老筋骸不自持，乘堅策駿兩非宜。  
憐師雅意慙甚，惠我斑輿結束奇。  
花底徐行閒看處，陌頭趨進早衙時。  
醉歸更比籃舁穩，一任山公倒接羅。

贈鼓山長老平楚

不下禪牀四十年，老軒頭角出冷淵。  
久從貝葉傳心印，來與雲山結靜緣。  
蘭馥蕙光增嫵媚，竹風松月共清圓。  
荔丹有約重登覽，轉首天風恐颭然。

楚有畫蘭絕句故云

庚寅夏四月送二御史回淮安道中即事語知

已者

五千里外一哀翁，八郡規為一省同。  
衆口鑠金方作異，諸生鳴鼓欲誰攻。  
寒封老柏常年慘，暖借繁葩盡日紅。  
夢到垂虹亭下水，雲帆千尺挂秋風。

遊鼓山五首

并序

鼓山在閩中為特秀，余到官五月，王事鞅掌，未遑登覽。以盡江山之勝，迨明年四月庚辰，遂與天平張叅政、獻子大都李郎中、德昌御史、聊城師彥貞居延蘭。

寶臣提刑東原曹仲明憲幕張遂良程舜臣何舜卿  
來游尋前盟也辰刻抵戒院捨鞍肩輿迤運而進至  
望州亭主僧平楚來迓用軟脚例酒數行歷松關由  
石門入白雲寺適簽省樂公亦供佛來此遂相與禮  
像殿浴佛於西寮既而飯岩峯丈室眺上方重閣降  
觀湧泉步入靈源洞度喝水巖登天風海濤亭觴咏  
間獻子德昌扶攜上征徑欲造大頂峯足觀紫陽遺  
刻石與雲荒中途而返時宿雨濯山林磴爭秀烟霏

空翠有顧揖不暇者莫不欣然忘歸沖沖若有所得  
僉曰樂哉今日之游也吾儕越在絕域縱此重来恐  
無復此歡耳至元歲月不可以不紀詩亦不當無也  
明日探囊得唐律五詩俾刻諸亭上以為山中故事  
峰迴路轉已層雲望遠風烟接海門海霧去收千嶂雨  
老僧迎勸半山樽巖幽選勝窮詩境山迴登危黯客魂  
濶絕殊方同大塊坡仙心事強為論

荀輿同駕躡鼇腹冷帶秋深入白雲雪竇有禪容暫叩

名山無分與平分雲憐嶺斷聯松蔭雨惜題芳護蘚紋  
會約贊公重借榻鼓音同向夜深聞

上方游遍雨花天洞壑尋幽得壯觀林影蕩空金界闊  
天風吹袂海濤寒江山若爾不一醉杖履再來無此歡  
詩在眼前拈不出碧瀾秋色上層巒

杖藜尋壑游初遍倚檻真搜興未闌濁酒一杯方大嚼  
暮烟千頃要奇觀放教眼界寬無際徑上山椒不作難  
若欲攀蘿窮絕頂海濤風勁不勝寒

複嶺重岡奠七閩鼓山東峙最重尊嶼亭詩好風濤湧  
靈洞龍移窟宅存千尺翠層宜晚對一泓滄海儘雄吞  
雲烟相載歸時晚月偃松梢玉一痕

道山亭燕集

霜簡無華鷺鳥朋追隨飛蓋上高亭霏霏空翠沾衣溼  
浩浩雄飛拉瑟聲已愧東山空雅志枉教南斗避文星  
憂來猛把欄杆拍轉覺詩情未易評

酬余招討見贈詩韻

秀孕江山氣自靈  
余君襟度玉亭亭  
高軒過訪承佳什  
世事開談見遠經  
秋色望空喬木國  
海商爭泛客槎星  
又聞占籍多陰積  
一戶從良近百丁

送魏參政赴邵武

時與江西三省合會破賊

畫省分麾出越營  
跳梁黠鼠已潛驚  
環郊多壘真吾責  
報國丹衷在此行  
獸困可擒須急縛  
民安無畏是佳兵  
遙知帳遠生屏地  
草木風前總戰爭

戰一作捷

省郎李應中見示所藏書畫因題其後

畫省官書不片閒撥忙能結淡中緣吟餘紅藥堦前露  
夢到蒼苔月上船鑒定正煩君具眼收藏還擬世珍傳  
古人已矣精華在時復橫披一洒然

八月八日雨中書懷

自到閩中十月餘老懷未省兩眉舒命緣限蹇行多拙  
心與時違意轉疎夜枕有蛩妨睡思秋空無雁繫鄉書  
桂香簾幙中秋近愁對清暉憶故廬

小樓秋望

芙蓉吹老白蘋風隰有游龍草有蝨湖水已翻寒日影  
火雲猶作夏時峯清時還負無能貴老境其如所事慵  
推放小窓閒寓目秋來無物不愁容

腹聃一作時方多  
故增心苦人到高

年所  
事慵

### 寄紫山憲使

去冬相從入臺叅君任平江我更南不惜殘年趨海嶠  
擬將風義壓烟嵐得時可進成虛步縱說知難到強談  
歸見紫山如有問此身於世百無堪

腹聃一作碧雲暮  
合人千里白髮愁

多雪  
滿曆

秋雨

秋景蟠空勢莫驚  
西風吹起傳巖霖  
驅雲湧海連三日  
潤物回空抵萬金  
火傘炎收閩嶠瘴  
烟螺重拭越山岑  
滂沱未洗戈船甲  
愁絕孤臣一寸心

御史陳君濟來知紫山病告已滿浩然北歸余  
以微官自絆留滯閩中未卜歸期定在何日慨  
然感而賦此

南來同仕君先往自絆微官固可憐書考已甘楊子下  
着鞭又為祖生先碧雲暮合人千里白髮愁多雪滿巔  
去去吳江西下路姑蘇臺上月空圓

寄叅政何公

黃閣年來相業多忠腸輸瀉畧無他物情雖異歸已總  
昂味能甘賴變和客子遠聞欣欲舞海風何慮偶揚波

時草竊蟲  
起故云

殘年喜見昇平事歸老田間儘浩歌

寄左丞馬公

黃閣風清相業多漢家機務到賡歌默涵羣動歸包總  
力贊孤卿罄變和春草閒嘶沙塞馬秋霖行洗越船戈  
古今多少調元樣兩魏聲華未減何

即事

耳聵瞳昏久病翁暮年遊宦又閩中一旬好快無三日  
百計隨人到五窮每署細銜慚已曠雖無私過亦何功  
揣量薄分宜歸去免着通人笑未通

卧病中即事

萬慮消磨只一身  
一身猶為病  
遑速老饕纔助脾神喜  
溼熱還攻眼力昏  
蔬飯半盂嗟強食物情  
千古苦難論  
前期七日多能幾  
更有何心到競奔

即事

地僻天荒自一方  
江山還鎖瘴烟鄉  
炎涼失節人多病  
勁躁難馴俗反常  
媚竈王孫方怙勢  
背時郭老怎當場  
欲行莫克行還阻  
乞取閒身且六藏

芙蓉

草生不識翠芭纖  
真色還欣到爾瞻  
嬌綻葵芳無兩樣  
鬧裝橙葉更多尖  
一溪野水明粧鏡  
滿樹清香拂繡簾  
開謝已甘秋色晚  
碧桃紅杏我何嫌

卧病吟

四大尋思孰主張  
百般調護不康強  
火頭亭尾方為祟  
肝氣脾神互見傷  
秋月欄干吟袖冷  
曉烟庭戶藥鐺香  
夜來一笑伸眉喜  
夢裏分明到故鄉

閩中即事

誰作新詩採衆謠  
八州淵藪萃逋逃  
蒼烟滿樹驚梟嘯  
白日西山聞虎號  
取辦急征農最仰  
空哀懇彼苦何高  
內奸不止終多寇  
鬪敵徒教殺爾曹

八月十八日野奠回入西湖開化寺

廩祿已沾三品料  
浩然歸志苦遲遲  
宦情老去無多味  
花樣看來總背時  
庭下宜尋歌鳳侶  
澗阿閒詠考槃詩  
免教方寸為形役  
惆悵終年抱獨悲

送趙提舉職滿還江西

字仲遠

眼中薄俗日紛紛信厚如麟見趙君學館久淹雖散秩  
士林輝映總多文三年提調無遺育回首歸飛隔暮雲  
忠孝堂前秋色好淡烟吹滿泮池芹

即事

人微職峻作提刑正似禪僧放海青痴坐久為山鳥怪  
急歸已愧草堂靈甕邊吏部方酣飲澤畔靈均謾獨醒  
樂得便行無窒礙雲間高躡鳳凰翎

悠悠心事欲誰同甚是留侯智與功幸有釣舟藏夜壑

免教官事縛微躬  
旬多病假慚虛位  
獄有繁寃謾執中  
穩送布帆無恙去  
小樓昨夜有西風

西風吹老一川秋  
劍水東南送客舟  
寒雁遠宿方漸陸  
野鳧羣聚正乘流  
飛鳴聊欲伸吾志  
飲啄非徒為食謀  
通塞既知皆有定  
平泉何為志窮愁

題建寧府建安堂壁

郡名改自炎興後  
官事多從五代年  
草木不知黃落候  
江山渾是寶巖天  
風時雨若回天眷  
味厚泉甘覺氣全

城府自來多險隘高蹤誰躡漢梅仙

東山稱梅隱云  
梅福常隱于此

子孺腹病良愈謝全王二醫官全名立夫王名

貴和

喜向醫林得二髦河魚為祟免憂勞調和臟氣事為切  
護養丹元論最高曾未決旬收勿藥並驅二豎不容逃  
難忘更有真誠意荅荷千金恐一毫

活庵方伎若為高濟物心驚不代勞子孺病來方作崇  
脈原看處若為毛臨機制變元多算勿藥收功大可褒

自是理明窮隱爽不緣潛授老龍韜

非六韜之韜蓋借  
用孫思邈昆龍所

授之  
法也

贈三岐儒醫徐登孫升伯

徐卿奕世傳醫道學濟岐人蔚有功方自千金開壽域  
肱非三折見良工經橫烏几筠籬靜門掩朝暉藥竈紅  
我似病梨無可賦略煩料理少陵驄

又題石橋山

龜阜烟霞小有天半空奇絕石橋山蒼龍背屈雲千疊

寶月光涵玉半環當局仙人間遣興爛柯樵子不知還  
一樽醉上山翁馬却逐流紅到世間

繼李昌道見贈詩韻以寄

當年初識歷亭仙貴眼相看意愜然把臂喜談天下事  
洗心如聽玉琴絃時文變古多君雅遠馭長驅並我先  
北渚風烟儘瀟洒興來詩思想無邊

遐觀亭

南劍州總尹  
張侯所構

閩右江山第一州危欄高倚九峯頭大書快覩凌雲榜

神化空驚躍劍舟冠蓋送迎無少暇烟波吟眺暫相酬  
曉涼多趁薔薇露醉墨淋漓想未休

九日南劍道中

龜山山長林元中和韻有云萬里好風南去雁兩溪明月一歸

舟

颯沓弓刀入劍州登臨高出碧山頭松風度嶺吹紗帽  
烟水漫溪送客舟萬里故山今得往一年佳節儘為酬  
滿樽綠湛茶洋酒空對黃花一笑休

憫雨呈幹臣詩友

四月十一日作  
時閩郡祈雨

天人消息兩交通和自羣情雨意濃一旱迄今幾五月  
四民作苦最三農雷燒赤尾空驚電雲捲黃頭又變風  
傳語龍栩栩下客孚誠終始要相通

嗷嗷羣動日焦枯何處知龍睡未蘇穀未見苗穫可望  
麥方含實獲來無九關變豹無餘蘊百郡承風恐失圖  
試手天瓢儻微恡斯民斯苦果何辜

和錢神咏

解穀開難到處行雖云銅臭最闕情世緣利益稱泉貨

時便流行託楮生武子矜豪編竟埒魯褒貽笑愛如兄  
細思最是通神處買盡人間事不平

巨室權門坦蕩行反於窮薄略無情散飛庭樹來無迹  
污濁羣心到處生取象有天還有地縱貪無父亦無兄  
存心思革交征幣何處銅山剗可平

芭蕉扇

輕篔如蕉一樣新楮衣筠骨製來勻隔窓雨落驚真葉  
洒面風清來故人常羨楚材為晉用却嫌紈素化緇塵

會當柄在調元手與播南薰解愠民

近讀夜永不寐等作覺清而頗寒吾恐傷中和  
而病吾子也因復繼前韻假辭而薰炙之亦晁  
補之擬騷之遺意也幸笑覽

燭影橫搖夜色侵香添菱葉鬱重余鳳琶調軟歌能合  
竹葉杯深醉易沉綠鬢追歡燕市樂翠屏歸夢越江吟  
平明剝買扶頭酒不向諸兒計橐金

夕坐虛窓氣夜侵欲眠還未擁孤衾書因倦讀從燈暗

物不櫻懷任思沉肥遁世高雷子節清貧時見曲山吟  
舊游相望成三老既老能閒抵萬金

和曲山覓菜詩韵

鼎餗藜杯一概平見君胃次匪瓶罌屢聞飯糗同鰥癯  
似要侯封號戛戛靈府天和流玉薤露盤詩思湛金莖  
腹腴踏脆皆吾欲二者難兼恐物情

貧富因君嘆不平食前方丈對羸嬰一簞雖具黃梁飯  
滿豆常空碧澗羹甕料不聞波底語秋光時見鬢間莖

細思清苦多吾輩愈見蒼蒼責備情

和幹臣詩魔韵

倦懷欲罷不能回啾唧呶嚶雜嘆歎清禁事嚴微服入  
華山峰好倒看来禁持作祟非無謂狂斐緣渠不解裁  
島瘦郊寒遺像在至今追想日悠哉

詩家何苦似魔為遠紹旁搜沒了期鼓舞有舒還有慄  
禁持似醉復如痴鼎邊苦思多窮夜江上冤魂獨語時  
伴老此身成底事乾坤清氣幾人知

睡魔和韻

醺然一氣熱相纏不是脯時即午前  
鼾枕九無所濟昏明心境陡相懸  
見侵多是羣疑後澄治無如一敬先  
不羨老歐能善變化為鸚鵡舞翩翩

欠呵舒挽速如神不是愁縈即思焚  
釀就黑甜濃有味撓昏靈府闇無聞  
魂遊纏老三峰客茗戰推空七碗勳  
經事不為渠所泥邊韶便腹見多文

和幹臣齒痛詩韻

硬嚼豪餐養老饜先生編貝若為牢熱流肢脈知來漸  
痛拔孤根訝許高縱使舌存宜晦默更堪心苦恣焦勞  
休休事事從輕減急手先須止濁醪

折齒吟自慰

朝來折齒五神驚勢若山為朽壤傾缺豁醜于韓子態  
嘯歌妨似幼輿情病根何益華池漱五色空傳幻術生  
駢潔浮危雖自取世間何物不虧盈

適見總府應詔薦章偶得一詩庶明鄙意呈幹

臣

齒牙缺豁雪蒙頭更有何心接俊遊  
一自詔條頒雨露盡催遺逸起林丘  
韞藏積玉知無限刻畫無鹽最可羞  
經濟斯時公等在此身天地一虛舟

寄胡紫山提刑

蒼顏白髮兩哀翁前歲將翔馬首東  
常喜笑談猶不淺靜思行止略相同  
閭門凍鎖連江雨瘴海炎開發屋風  
兩度生還幸無事更何心到炬蓮紅

寄六祖真人

涉世筋骸百不堪，只堪老坐老書龕。  
跡難遠矚目全眊，聽不能聰耳謾耽。  
臂痛帶來沙嶺，溼心煩漸遠瘴江炎。  
客來問訊承佳意，蓄縮其如自老蠶。

五月八日同幹臣遊耿家池上

偏促城居鶴繫籠，綠荷池上暫從容。  
花明淡艷波光外，詩在扶疎樹影中。  
老厭宦游追俊彥，天教閒處著疎慵。  
日斜尚約遲遲去，散坐高槐洒晚風。

和幹臣山居

細想山居有足論  
既便嘉靖不知貧  
霜封幽谷收明粟  
水漲前溪送束薪  
茂樹坐移隨所適  
良苗耘罷見懷新  
隱居不見求高意  
千古淵明最可人

腹聯一作樽酒相  
勞隣曲厚樹林交

蔭鳥  
聲新

山中有樂試為論  
石上無禾未是貧  
溪隔圃田多滯穗  
霜摧林葉自添薪  
醉談有味漁樵熟  
野飯加餐笋蕨新  
大朴散來非復古  
隱居求志果何人

一作半道間談留  
荷蕢隔林孤唱聽

樵薪芻芻春醪雲移舊園摘秋葵露葉新朝吟樽湛芳  
醪醖夜話爐煨紫芋新時耕白水親收稻日斫青山自

薪負

隱仕初終絕異論淵明憂道不憂貧  
比如違已心反病何似行歌自負薪  
意外風波平地險山間烟景四時新  
此生只向黃塵老笑煞羲皇向上人

和幹臣以目疾詩相做

老來襟抱百無圖  
遮眼唯便幾頁書  
不爾心神渾散漫  
豈知目力陡乖踈  
晚年愈種玄花盛  
平日豪吞綠醕餘

氣習屏除原易事急須顛倒坎離居

常倚精神壯未殊有時豪飲痛觀書形骸未化無非苦  
寢食其間敢自如赤貫腫人昏若蔽溼留肩并冷難除  
人憑手眼今如此更有何心望玉除

時往往傳余有  
翰苑之命故云

掃晴婦

今年夏六月初方雨凡六日不止前去秋節止廿三  
日亟晴秋種生發能有幾日又諺云秋後一十八日  
百粒不結已種者為雨拍艱於出壠方種者場土粘

溼不易耷作兒子輦戲作埽晴婦懸之前簷明日開  
霽因作是詩以見其意云

淡粧烏鬢綠衣衫一線高懸舞畫簷笑着茗枝揮素手  
盡驅雲影入蒼巖埽晴既出兒曹戲指日何殊父子談  
百穀近秋苗未茁義和先斂壠頭粘

江山萬里圖

勝覽何人作此圖雄誇天險亦區區經營意匠羣工上  
慘淡風烟百戰餘並轡相夷唾宋魏舞千來遠美唐虞

只今一統無南北正要懷柔謹厥初

一作指顧漢封真  
朱聚追奔秦鹿比

山虞

江山列地出新圖限隔東南見輿區與校廟謨雖有間  
細看邊備則無餘忘功去玠甘捐蜀併力亡金笑假虞  
千古美芹高議在不應成敗論終初

喪馬和幹臣韻

大夫之後不徒行為罄囊金市此乘耳削秋筠分額鬣  
臆團孤月映鉤膺長鳴尚憶看雲立論力空懷以德稱

得失塞翁深領會天教閒坐看飛騰

過郭璞墓

墓在金山西北大江中流亂石間有叢薄鴉鵲棲集望之如蒼雪者蓋鳥

也夫

青囊書秘造精深葬法人傳冠古今一死祇緣撩虎尾  
孤墳何故葬江心師從鬼谷宜多怪山湧胥濤不寸侵

世言江雖大漲水不及墓

我特回舟酌公去翻翻寒鵲落蒼岑

一作舟過

亂灘無所見寒鴉蒼雪滿岬欹

佛狸祠

在瓜洲城

江山照眼舒清眺千古興亡墮眼前  
瓜步市長連野戍佛狸祠古憐荒烟  
柂樓看取平吳日父老空傳飲馬年  
此日不須開濁浪好風都屬往來船

卽事三詩奉呈幹臣明府詩友

辛卯四月廿六日作

蘇旌苗夷併放驩九官相讓濟時艱  
閭閻有喜科差少烟火全疎傳舍閒  
雨澤潤寬無遠邇詔條恩溥到惇鰥  
聖恩撫御超前古慶厯元和未易攀

恩書一札變虞驩盡革前非免後艱  
星影不搖天宇靜

邊庭無事羽書閒震霆推惡無留枿霖雨思賢到有鯨

若把古先相比擬周成唐憲敢躋攀

占法云民勞則天星動搖

巖廊吁咈處工雕萬死猶難謝世艱

向奉御圖吁死先令野鯉爪啣其膚

今僧格自請死同圖吁上謂之曰若教汝便死天下人謂我何

為念民若深顧畏自裁

書詔盡防閑求賢不啻飢和渴發政常先寡與鰥蠖虱

小臣雖片善一時鱗翼盡期攀

今歲自二月至五月凡兩降詔條皆出自聖裁

秋澗集卷二十